

Goibekokale

ELGETA / Barikua / 2004ko azaroaren 5a / 205. zenbakia

KOORDINATZAILEA: Irati Agirreazaldeggi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: 55475/95

Babes ofizialeko etxeen gaineko bilera Espaloian


IRATI AGIRREAZALDEGI

Torrealdean etxeak eraikitzen badihardute ere, oraindik ez dira hasi babes ofizialeko etxeak egiteko lanekin. Hala ere, hainbat herritarrek jaso nahi du etxe horien gaineko informazioa. Horretarako, Udalak deituta bilera izango da azaroan Espaloian.

Oraindik ez dute eman Torrealdean babes ofizialeko etxeak eraikitzeko data zehatzik, baina urte amaieran hastea espero dute. Orduetik aurrera, gutxi gorabehera urte eta erdiko epea izango dute lanak amaitzeko.

Herritarrek, ordea, etxe hauen gaineko informazioa jaso nahi dute, eta horretarako izena eman dute udaletxean. Orain dela hiru urte zabaldu zuten zerrendan izena emateko epea eta orduetik hona 100 lagun inguruk azaldu du babes ofizialeko etxeei buruzko interesa. Baina baliteke farte horretan aldaketak izatea.

Informazioa emateko bilera egingo dute herritarrekin azaroan Espaloian. Eguna oraindik zehazteke dago baina interesatuei gutun edo prentsa bidez jakinaraziko diete. Bertan, eskera orri bat banatuko diete inte-



Torrealdean oraindik ez dira hasi babes ofizialeko etxeak eraikitzen.

resatuei, eta zein agiri aurkeztu beharko dituzten azaldu. Horrela jakingo dute zenbat lagun izango diren etxebizitzentzozketan. Zozketan sartzeko ipini

dituzten baldintzetako batzuk hauek dira: gutxieneko soldata bat jasotzea eta diru kopuru bategorakoa ez izatea; eta etxebizitzaren baten jabe ez izatea.

ERREPIDEAK

Bihurguneak konpontzeko lanak atzeratu egingo dituzte

I.A.

Urrian ziren hastekoak Izarreko eta Uberako bihurguneak konpontzeko lanak. Baina urria amaituta oraindik ez diete lanei ekin.

Gipuzkoako Foru Aldunditik jakinarazi digutenez, lanean hasateko lurak euren eskuetan izan behar dituzte, eta horretarako Udalak egin behar ditu gestioak. Gestio horiek atzeratu direlako berandutu omen dira lanak.

Udalaren arabera azaroaren 22an sinatuko dituzte lurren desjabetze aktak. Beraz, orduetik aurrera edozein unetan hasi ahal izango dira beharginak konpontzeko lanekin.

KONPONKETAK

Diputatuen Kontseiluak onartu zuen bi bihurgune horiek konpontzeko proiektua, eta orain lanak lehenbailehen egitea da euren asmoa.

Bi kilometroko errepide tartean daude bihurguneak, eta egingo dituzten konponketa nagusienak zabalera handitzea eta lurra bera egokitzea dira. Uberako bihurgunearen erradioa 15 m-tik 25 m-ra zabalduko dute; Izarrekoa, berriz, 20 m-ra.

Bestalde, lurra egokitu, eustormak eraiki, hormigoizko arekak egin eta seinaleztapen egokia ere ipiniko dituzte. Lanen aurrekontua milioi bat euro da.

MUSIKA



ASTELEHENEN GOBARRA

Tradizio doinuetan oinarrituta abesti berriak egiten dituzte Igelaren Bandakoek.

Igelaren Bandaren kontzertua domekan

I.A.

Bixente Martinezek, Txarli de Pablok eta Inigo Egiak osatutako Igelaren Banda musika taldeak kontzertua eskainiko du domeka honetan 20:00etan Espaloia aretoan.

Ohiturazko doinu eta erritmoetan oinarrituta, abesti berriak sortu eta garatzen ditu hirukote honek, jazzaren eta musika berrien bidetik.


Hala ere, euren emanaldietan inprobisazioa da nagusi eta abestiei taldearen nortasun berezia

ezartzen diete. Tradiziozko doinuak berriz ere harmonizatzen dituzte bide berriak arakatzuz.

Bixente Martinezek gitarra eta bouzoukia joko ditu; Txarli de Pablok kontrabaxua; eta Inigo Egiak perkusioa.

DANBAKA GAUR

Bestalde, gaur 22:30ean Danbaka musika lehiaketako bigarren saioa izango da Espaloian. Arrasate eta Aretxabaletako Denial, Bergarako Dixie 900 eta Arrasateko Enboskada eta Neure Baitan izango dira taula gainean.



Bi bihurguneen zabalera handitu egingo dute.

ELKARRIZKETA

MAITE MANDALUNIZ/ZINEKLUBEKO KIDEA

“Lehen kanpora joan behar genuen zinemara, orain herrian dugu aukera”

Abuztuan hasi ziren zinema emanaldiekin Espaloian. Hainbat hilabeteren ostean emanaldiok arrakasta izan dute. Zineklubeko kide Maite Mandalunizek azaldu dizkigu zinema saio horien nondik norakoak.

Noiz eta nolatan hasi zineten zine klubarekin?

Emanaldiak abuztuan hasi ziren. Espaloia bezalako toki edukita, eguaztenero filmak proiektatzen hastea pentsatu zen. Urte askoan ez da egon zinemarik herrian eta aukera ezin hobea izan da berreskuratzeko. Emanaldiak hasi aurretik, filmen zerrenda egiten ari zirela, nire proposamenak egiteko aukera eduki nuen, eta horrela hasi nintzen taldean parte hartzen. Taldea zabalik dago gerturatu gura duen guztiarendako.

Nola aukeratzen dituzue filmak?

Azken urteotan zinemarako zaletasuna asko hazi da lagunartean, eta nork bere proposamenak egitez osatzen joan gara zerrenda. Asmoa da aurrerantzean ikusleak filmak aukeratzen parte hartzea. Orriak banatu dira proposamenak jasotzeko.

Nolako filmak ematen dituzue?

Zinemako karteldegitik kendu eta telebistan eman gabe dauden aukeratzen ditugu normalean. Era guztietakoak eskaintzen dira: fikzioa, dokumentalak, drama, komedia... Emanaldiak aste barruan direnez, komenigarria da oso luzeak ez izatea. 21:30ean hasi eta gehienetan bi ordu ingurukoak izaten dira.

Jende asko joaten da eguaztenero Espaloira?

Bai, eguaztenero 40-45 lagun elkartzen gara. Gehienak herri-tarrak, eta adin guztietakoak. Hala ere, badira kanpotik etortzen direnak ere. Ogitartekoa jan, trago bat hartu eta kafea filma hasitakoan hartzen duenik bada. Eibar aldetik igotzen da jendea.



GAZTETXEA

AHTren aurkako hainbat ekintzak

I.A.

Elgetako gaztetxeak Abiadura Handiko Trenaren aurka hainbat ekintza antolatu ditu asteburu honetarako.

Gaur, barikua, Abiadura Handiko Trenaren gaineko bideo bat erakutsiko dute gaztetxean bertan eta ondoren, aditu batek hitzaldia egingo du.

Zapatuan, berriz, manifestazioa izango da Donostian AHT ez lelopean eta bertara joan nahi dutenendako autobusa egongo da. Elgetan, 16:00etan plazan hartu beharko dute.

Azkenik, Abiadura Handiko Trenaren aurkako ekintzekin amaitzeko, ibilaldia antolatu dute domekarako. 09:00etan plazan elkartu eta Angiozar ingurura joango dira nahi dutenek, tren pasatuko den inguruak ikustera.

Ibilaldia amaituta indarrak berritzeko jatordua egingo dute 14:00etan gaztetxean.

GAZTAINA ERRE EGUNA

Bestalde, datorren barikuan gaztaina erre eguna ospatuko dute. Gaztaina errearen banatuko dituzte 19:00etan eta gauean kontzertua izango da gaztetxean.



ARTXIBOA

Ibarrean hainbat mobilizazio egin dituzte Lastertasun Handiko Trenaren aurka.

BETERANOEN LAU T'ERDIKO PILOTA TXAPELKETA

PARTIDUAK

- AZAROAK 7, BARIKUA**
21:30: Angel Ibarluzea/Txapel-Mikel Iarrea/Mikel Arkarazo
- Gero**, Koldo Goenaga/Roberto Basauri-Jabier Bolinaga/Iñaki Izagirre
- Ondoren**, J.M. Arantzeta/Migel Arantzeta-Iñaki Ugarteburu/Enrike Ruiz de Erentxun
- AZAROAK 7, DOMEKIA**
11:00: Eduardo Zubiaurre/J.M. Zubiaurre-Jabier Otxoa/Mikel Elkorro
- Gero**, Alex Arantzabal/Alberto Telleria-Asier Morales/Fernando Zenitagoia
- Ondoren**, Pello Larrea/Joseba-Juan Karlos Errasti/Jesus Belamendia

EMAITZAK

- Iñaki Ugarteburu/Enrike Ruiz de Erentxun-Jabier Bolinaga/Iñaki Izagirre11-22
- Pello Larrea/Joseba-Eduardo Zubiaurre/J.M. Zubiaurre .13-22
- Alex Arantzabal/Alberto Telleria-Jabier Otxoa/Mikel Elkorro22-6
- Asier Morales/Fernando Zenitagoia-J. Karlos Errasti/Jesus Belamendia .11-22

“Zinemako karteldegitik kendu eta telebistan eman gabe dauden filmak eskaintzen ditugu”

Elgetan badago zaletasunik?
Baietz esango nuke. Orain arte ez dugu aukerarik izan eta zinema gustuko zuenak inguruko herri eta hiriburuetara joan behar zuen. Orain, herrian bertan eta doan ikusteko aukera daukagu.

“Filma ikusteko beste modu bat eskaintzen dugu: kafea hartuz edo zigarroa errez”

Nola animatuko zenuke jendea emanaldietara joateko?
Giro polita sortzen da. Zinema ikusteko beste modu bat ere bada. Filma ikus dezakezu kafea hartuz, edo zigarroa errez. Aste erdian izatera, egunerokotasuna aurtzeko modua ere bada.

DANBAKA

DEBAGOIENENKO I. MUSIKA LEHIAKETA

SMS MEZUAK

Gustukoen duzun talde, bakarleri edo abestiari lagunduz, zuk ere saria irabazi!

Mezuak bidaltzeko jarri:

DANBAKA (tartea) PARTAIDEAREN IZENA eta bidali 7744 zenbakira.

Mezu bakoitzaren kostua 0,9+BEZa.



ALBAITARIAK

ARATZ KLINIKA (Lazpiur Roman) Zurradero 6, behe. 943 76 70 67 / 607 48 71 19

ETXEBERRIA Julio (Debagoieneko albaitari ofiziala) 609 54 16 13

IRASTORZA BENGOA Sabin (Granjako animaliak) Iribar baserria, ANTZUOLA. 943 76 63 46

ANALISI KLINIKOAK

LABORRA Isabel Oxirondo 4, 1-B. 943 76 32 06

BARNE MEDIKUNTZA

IRIGOIEN Victor Oxirondo 4, 1-B. 943 76 32 06

DENTISTAK

AGIRRE HORTZ KLINIKA Ibargarai 9, 1-B. 943 76 00 23

ARAMBURU HORTZ KLINIKA Telesforo Aranzadi 1. 943 76 02 46

ASTIAZARAN SOLOZABAL Iparragirre 1, behe. 943 76 27 95

BERGARA HORTZ KLINIKA Bidekurutzeta 36, behe. 943 76 05 77

GOROSABEL J. Alberto Fraiskozuri 5A, 1-D. 943 76 56 88

CAVIGLIA Silvana S. Arrieta 3, 2-B. 943 76 38 54

IRIARTE Idoia Artekale 1, 1-C. 943 76 01 65

SAINZ Ana Herriko plaza 4, ANTZUOLA. 943 78 71 69

TRIPALDI Enrike Justo Garate 1. 943 76 70 76

DIETISTAK

ALBERDI Mireia Olanan etxea, Herriko plaza 3, ANTZUOLA

Ibargarai 44, BERGARA. 943 76 60 45 / 646 43 34 58

ERREHABILITAZIO FISIKOA

LOPEZ DE MUNAIN Francisco J. Fraiskozuri 8, 1A. 943 76 71 74

FISIOTERAPEUTAK

ARZAK Miren (Jarrera-berreziketa orokorra). Artekalea 1, 1-H. 943 76 43 71

BASTERRETXE, Maria Artekalea 1, 1-H. 943 76 43 71

HOMEOPATA

GANUZA Susana Ramon Maria Lili 2. 943 76 59 39

MASAILARIAK

AZPEITIA Irune Ibargarai 44, behe. 943 76 73 43

CASANELLAS Jabier Boni Laskurain 5, 2-E. 943 76 03 78

ETXEBERRIA Ana Errekalde 6, behe. ANTZUOLA. 943 76 60 13

MEDIKUNTZA ESTETIKOA

BENITO Isabel Bidekurutzeta 46, behe. 943 76 52 62

MEDIKUNTZA OROKORRA

OXIRONDO KONTSULTATEGIA Boni Laskurain 2, behe. 943 76 20 50

OTORRINOLARINGOLOGOA

IGARTUA ALMANDOZ Julian Barrenkale 35-1 ezkerre. 943 76 70 91 630 653 202

PODOLOGOAK

IKERLEKU PODOLOGIA ZENTROA Ikerleku Zeharbidea z/g. 943 76 07 84

AZPIAZU Arantzazu Herri Lagunak z/g. 943 76 41 32

PSIKIATRA

GALLASTEGI Pablo San Martin Plaza 2, 1-ek. 943 76 26 64

PSIKOLOGOAK

PSIKOPEDAGOGIA ZENTRUA (Logopedia-foniatria, psikologia, psikomotrizitatea). 943 76 14 80

URKAREGI Pakita (Psikologo klinikoa). 943 76 53 13

ZUBILLAGA ZABALA Marisa (Psikologo klinikoa). 943 76 30 76

YOGA

SAMADHI YOGA Masterreka 13, behe. 943 76 11 38 / 639 235 753

BERGARAKO
OSASUN GIDA
OSASUNEZ BIZI IZATEKO.